

Sakspapir

Saksnr	Utvalg	Type	Dato
035/17	Formannskapet	PS	11.05.2017

Saksbehandler	Arkiv	ArkivsakID
Asbjørn Nagell Toft	FA - U43	17/288

Uttale til søknad frå CIT Holding AS om oppdrett av torsk på ny lokalitet Trøvika ved Sævrøy i Austrheim kommune

Vedlegg:

Søknad om løyve til å etablere oppdrett av torsk på ny lokalitet Trøvika i Austrheim kommune

0.Søknadsskjema, signert

1.Følggebrev til søknaden

8.Sjøkart-50000

10.Anlegg med fortøyning. -Posisjoner. -Kystkontur

13.Annen akvakultur i nærområdet. Land konturer

18.Fiskeområder i området

19.Kommuneplan for området

Vedrørende lokaliteten Trøvika og nærhet til gyttefelt.

Annonse til Strilen den 28.03.2017

Narurvernforbundet i Nordhordland - Merknad til søknad om torskeoppdrett i Trøvika ved Sævrøy

Framlegg til vedtak:

Formannskapet i Austrheim er positiv til omsøkt torskeoppdrett ved Trøvika, vest for Sævrøyna.

Formannskapet ber om at Fylkesmannen i Hordaland vurderer grundig utsleppsløyve etter forureiningslova her sidan straumtilhøva er låge på omsøkt lokalitet. Formannskapet viser elles til saksutgreiinga og rådmannen si vurderinga i saka som er ein del av uttalen.

Formannskapet - 035/17 - 11.05.2017

FS - behandling:

Rådmannen sitt framlegg vart samrøystes vedteke.

FS vedtak:

Formannskapet i Austrheim er positiv til omsøkt torskeoppdrett ved Trøvika, vest for Sævrøyna.

Formannskapet ber om at Fylkesmannen i Hordaland vurderer grundig utsleppsløyve etter forureiningslova her sidan straumtilhøva er låge på omsøkt lokalitet. Formannskapet viser elles til saksutgreiinga og rådmannen si vurderinga i saka som er ein del av uttalen.

Saksopplysninger:

CIT Holding AS med org. nr. 980173860 har den 17.02.2017 søkt om løyve til å etablere anlegg for oppdrett av torsk på ny lokalitet Trøvika i Austrheim kommune. Dette området ligg vest for Sævrøyna som er langt vest i Austrheim kommune. Fedje er om lag 5 km vest for denne lokaliteten. Søknaden om løyve frå verksemda med adresse Flynderevågsvegen 23 på Fedje har vore på offentlig ettersyn.

Verksemda som har søkt om løyve til to konsesjonar her har søkt om å legge ut eit stålanlegg med 8 bur på 25 x 25 meter i to rekker, med fôrflåte plassert sør for anlegget. Det er gangbru mellom flåte og anlegg. Maksimal tillaten biomasse (MTB) vert søkt til 1.560 tonn. Søknaden har vorte kunngjort på vanleg måte i Norsk Lysingsblad, Strilen og på heimesida vår. Merknadsfrist var sett til den 25.04.2017. Skriftleg merknad til søknaden må sendast til Austrheim kommune på vanleg måte. Diverse vedlegg i saka viser plassering på kart kor omsøkt lokalitet skal plasserast. Det kom inn ein merknad innan høyringsfristen frå Naturvernforbundet i Nordhordland, den er datert den 24.04.2017 (vedlagt).

Naturvernforbundet i Nordhordland sin merknad er: *-Naturvernforbundet Nordhordland gjer merksam på at akvakulturområdet det vert vist til, er fjerna i framlegg til ny arealplan for Austrheim kommune som var på høyring i 2016. Dei skriv og at: -Naturvernforbundet vil vidare peika på at denne delen av Øyane har store landskapsmessige verdiar, stor verdi for friluftsliv og som farlei for mindre båtar på veg nordover langs Sævrøy til ytre Øyane. Oppdrettsanlegget det er søkt om, vil tvinga båtane ut i meir eksponert og vêrutsett område.*

Naturvernforbundet skriv og at: *-Når det gjeld landskap, vart denne delen av Øyane i si tid foreslått som nasjonalpark. Naturvernforbundet meiner og at eit stålanlegg med 8 bur vil vera eit så stort inngrep at det bryt med Stortinget sine intensjonar i landsplanen.*

Naturvernforbundet opplyser om at i Fylkesmannen i Hordaland og Hordaland fylkeskommune si verdisetjing av friluftsområde i Hordaland, er tiltaksområdet vurdert å vera eit regionalt **viktig** friluftsområde, på grensa til **svært viktig** i ytre Øyane. *Dei skriv og at: -Området er mykje brukt til båtutfart, t.d. fritidsfiske og kajakkpadling. Frå vestsida av Sævrøy på nedsida av den kommunale vegen mot Baløy, er det dessutan lett tilgjengelege fiskeplassar frå land som blir avskorne og umogleg å nytta om det blir gitt løyve så tett inn til land. Austrheim kommune har soleis gode argument for å fjerna AK54 frå kommuneplanen. Sjølv om den nye arealplanen ikkje er endeleg vedteke, er dei politiske intensjonane for området så tydeleg uttrykte at det etter Naturvernforbundet Nordhordland sitt syn må bety avslag på søknaden. Å gje løyve til torskeoppdrett her vil vera i strid med framtidig arealbruk, store landskapsverdiar og viktige friluftsområde, og til hinder for småbåttrafikken i farleia mot ytre Øyane.*

Til slutt skriv dei at: *-Naturvernforbundet Nordhordland går på dette grunnlaget mot søknad for torskeoppdrett i Trøvika utanfor Sævrøy.*

Austrheim kommune sin kommentar:

Austrheim kommune har som kommentar at nærmeste avstand til land frå omsøkt havbruksanlegg vil verta på om lag 250 meter, det vil difor vera mogeleg med båtferdsel på alle sider av anlegget. Austrheim kommune meiner at at anlegget ikkje kjem i vesentleg konflikt med farleier i området eller båtutfarten på innsida mot land her. Nærmaste større farlei er ferjestrekninga mellom Sævrøy og Fedje, avstanden mellom omsøkt anlegg og denne er på om lag 550 meter. Austrheim kommune ser det som naturleg at at Hordaland Fylkeskommunen set naudsynte vilkår i saka som gjer at eventuelle

uheldige konsekvensar og negativ utvikling for natur, miljø, friluftsliv, kystfiskarar og ferdsel vert unngått ved omsøkt lokalitet. Austrheim kommune vil understreka området er avsett til akvakultur i gjeldane kommuneplan sin arealdel, det gjer omsøkte arealbruk er i tråd med aralformålet.

CIT Holding AS skriv i sin søknad at:

-Ved en etablering av en ny lokalitet for torsk i Trøvika kan det genereres ca. 3-5 arbeidsplasser. Statistisk sett kan disse arbeidsplassene generere 5,1 – 8,5 arbeidsplasser i ringvirkningsleddet. Totalt kan det dermed bli generert mellom 8,1 og 13,5 arbeidsplasser ved en etablering av lokaliteten. Vi ønsker å benytte lokalt næringsliv i den grad det er mulig, og i tillegg ønsker vi å ansette personer som er bosatt i nærheten av lokaliteten. Verksemda skriv og at : -De naturgitte forutsetningene for oppdrett av torsk på Vestlandet er vurdert til å være veldig gode, og ved tilsagn på denne søknaden ønsker vi å bidra til å nå målet om å gi Nordhordland en ledende posisjon innen havbruk.

Austrheim kommune skal gjeva uttale til saka etter at høyringsperioden er ute og eventuelt kommentera og vurdera merknadane som kjem inn. Uttale og eventuelle merknadar sender kommunen til Hordaland Fylkeskommune. Det er Hordaland Fylkeskommune som gjev løyve til akvakultur etter gjeldane lovverk. Fylkesmannen i Hordaland handsamar søknad om utsleppsløyve frå dette anlegget etter forureiningslova.

Om lokaliteten og søknaden:

Hordaland fylkeskommunen sin vurdering er at tiltaket ikkje får vesentlige verknader for miljø eller samfunn. Anlegget skal etablerast i arealkategorien **Akvakultur** i kommuneplanen til Austrheim. Lokaliteten er plassert innanfor akvakulturområdet AK54 i område avsett som FFNFA – Fiske-, Ferdsel-, Natur-, Friluftsliv-, og Akvakulturområde slik som plankartet under viser i den godkjente kommuneplanen sin arealdel frå 2007:




Kart over kommuneplanen sin arealdel godkjent i 2007

Miljøtilstanden på lokaliteten i MOM-B undersøkinga ved Sævrøyna kom i kategori 1 (svært god). Det

er lite eller ingen tilførsel av naturleg organisk materiale i det undersøkte området. Det vart funne dyr på 8 av 10 prøvestasjonar. Undersøkinga er gjort av Sub Aqua Tech AS, rapporten er datert 16.11.2015. Ei MOM-B undersøking ser på botntilhøva der oppdrettsanlegg er eller skal plasserast.

Den omsøkte lokaliteten Trøvika i Austrheim kommune har avstand på 1,2 km. til nærmeste gytefelt for torsk som er i Rebnorsundet. Søkjar mener at: *-Avstanden til gytefeltet samt gytefeltets geografiske- og skjermede beliggenhet i forhold til lokaliteten gjør det lite sannsynlig at lokaliteten Trøvika har noen negativ påvirkning på gytefeltet.*



Avstand til gytefelt

Låsetingsplassar, fiskeplassar og gytefelt

Det er ingen verneområder på lokalitetens plassering. Det er ikke registrert noen hensynskrevende arter i området rundt lokaliteten. Det er ingen lakseførende vassdrag i nærområdet.

Nærmeste nabolokaliteter til Trøvika er lokalitet 11756 Allersholmen (avstand i sjø: ca. 3,8 km) og lokalitet 30559 Øksneset (avstand i sjø: ca. 4,3 km). Dette er lakseoppdrett.



Oversikt over annan akvakultur i nærområdet (Allersholmen har ingen aktivitet no)



Kart over anlegget/flåten med fortøyninger. Anleggets- og flåtens ytterpunkt er markert raudt.


Søkjær opplyser om at det er ingen utslipp fra kloakk, landbruk, industri eller lignende i området. Det er ingen kablar, vassleidningar eller røyrleidningar i området. 3D presentasjon av bunntopografi i området med prøvestasjoner fra MOM-B undersøkelsen avmerket er lagt ved i søknad. Det er ingen hovudlei eller bilei for skipstrafikken i dette omsøktet sjøområdet, mne småbåtar går gjerne i det omsøkte området.



Oversikt over hovudleier og bileier for skipstrafikken i området

Det er lagt ved ein beredskapsplan som gjeld for bedrifta. Planen som er datert den 01.12.2016 viser ein oversikt over krisesituasjonar som kan oppstå og korleis ein best mogeleg kan ivareta smittehygiene og fiskevelferd. Det er og laga ein risikoanalyse, den er og datert 01.12.2016. Den viser arbeidsoperasjon, risiko, tiltak og kven som er ansvarleg.

Straummålinga utført av verksemda Sub Aqua Tech AS er vist i rapport datert den 09.11.2015 at det er generelt svake straumtilhøve i området både ved 5 meter djup og djupare i vassøyla. Måling at straumtilhøve er ein viktig del av grunnlaget for å kunne vurdere bereevna til ein omsøkt lokalitet. Nok straum er avgjerande for utskifting av vatn i merdane og for å kunne transportera vekk forestar og fekalier (skit) frå anlegget. Desse målingane vart utført i tidsrommet 6. oktober - 5. november i 2015. Straummålingane vart utført i samsvar med NS 9425:1999 og NS 9415:2009.



Kart som viser plassering av straumrigg vest for Sævrøyna

Vurdering:

Rådmannen ser at det er generelt låge straumtilhøve på omsøkt stad, det viser MOM-B undersøkinga. Det er silt og leirehaldige sediment som er den dominerande botntypen her. Det at lokaliteten ved Sævrøyna kom i kategori 1, som er rekna som **svært god** er positivt for omsøkt

oppdrettstad. I høve til NS 9410:2007 skal det i lokalitetstilstand 1 gjerast ny MOM-undesøking om 2 år her. Rådmannen vurderer det difor slik at tåleemna til denne lokaliteten vil koma fram etter at verksemda har vore her ei tid. Då vil ei ny MOM-B underøking etter to år kunne sjå eventuelle endringar som har skjedd her. Rådmannen synes dette spørsmålet om toleevna på denne lokaliteten av forrestar og fekalier bør Fylkesmannen i Hordaland vurdere grundig i samband med handsaming av utsleppsløyve etter forureiningslova. Rådmannen meiner at det låge straumtilhøvet ved omsøkt lokalitet er eit tema Fylkesmannen må vurdere, dei har fagfolk til slike vurderingar.

Rådmannen vil informera om at nærmeste avstand til land frå omsøkt havbruksanlegg er om lag 250 meter, det vil difor vera mogeleg med båtferdsel på alle sider av anlegget. Rådmannen synes det er positivt at anlegget ikkje kjem i konflikt med farleier i området. Nærmaste større farlei er ferjestrekninga mellom Sævrøyna og Fedje, avstanden mellom omsøkt anlegg og denne er på om lag 550 meter.

Rådmannen vil peika på at det er ingen oppdrettarar i regionen som driv med torsk i dag, det vil såleis vera positivt med anna type akvakultur her enn det som er i nærområdet i dag med tanke på sjukdomsfare og lakselusproblematikk. Rådmannen meiner og det vil vera positivt for anlegget her at det i dag er ingen utslepp fra kloakk, landbruk, industri eller lignende i området.

Rådmannen ser at sidan undersøkinga viser at lokaliteten er ikkje preget av sterk straum i sjøen kan det verta uheldig tilhøve for naturmiljøet og fisken i oppdrettsanlegget. Rådmannen er likevel samd i søkjar sine vurderingar om at det truleg *på grunn av beliggenheten likevel er en stor vannutskifting med godt vann her.* Rådmannen synes at beredskapsplanen og risikoanalyseen på ein god måte viser at verksemda som har søkt her vil kunne førebyggja og handtera uheldige hendingar på ein god måte.

Rådmannen meiner og at den store avstanden til nærmaste gytefeltet for torsk i forhold til omsøkt lokalitet gjer det lite sannsynleg at lokaliteten Trøvika har nokon negativ påverknad på dette. Rådmanen har notert seg at Hordaland fylkeskommunen sin vurdering er at omsøkt tiltak ikkje får vesentlege verknadar for miljø eller samfunn. Rådmannen ber om at Hordaland Fylkeskommunen set naudsynte vilkår i saka som gjer at eventuelle uheldige konsekvensar og negativ utvikling for natur, miljø, friluftsliv, kystfiskarar og ferdsel vert så små som mogeleg. Rådmannen viser elles til Austrheim sin kommentar til uttalen frå Naturvernforbundet i Nordhordland og sluttar seg til den.

Rådmannen vil peika på at det er positivt med nye arbeidsplassar i Austrheim og regionen vår. Det er og viktig å få eit meir variert og allsidig næringsliv nord i Nordhordland. Rådmannen vil understreka til slutt at sidan området er avsett til akvakultur i gjeldane kommuneplan sin arealdel er den omsøkte arealbruken her i tråd med aralformålet. Rådmannen vil difor rå til at formannskapet i Austrheim gjev ein positiv uttale til omsøkt torskeoppdrett ved Trøvika, vest for Sævrøyna.

Konklusjon:

Rådmannen rår til at formannskapet i Austrheim uttalar seg positiv til omsøkt torskeoppdrett ved Trøvika, vest for Sævrøyna. Formannskapet ber om at Fylkesmannen i Hordaland vurderer grundig utsleppsløyve etter forureiningslova her sidan straumtilhøva er låge på omsøkt lokalitet. Formannskapet viser elles til saksutgreiinga og vurderinga i saka.

